

"মিষ্টি বাচ্চারা, সাকার শরীরকে স্মরণ করাও ভূত অভিমানী হওয়া, কারণ শরীর পঞ্চভূতের (পাঁচ তত্ত্ব) দ্বারা সৃষ্ট, তোমাদের তো দেহী-অভিমানী হয়ে বিদেহী বাবাকে স্মরণ করতে হবে"

প্রশ্ন:- সবচেয়ে সর্বোত্তম কার্য কি যা একমাত্র বাবাই করেন ?

উত্তর:- সমগ্র তমঃপ্রধান সৃষ্টিকে সতঃপ্রধান এবং সদা সুখী বানানোর সবচেয়ে শ্রেষ্ঠ কার্য, যা একমাত্র বাবাই করেন । এই শ্রেষ্ঠ কার্যের কারণে তাঁর স্মৃতিচিহ্নও অনেক উঁচু উঁচু বানানো হয়েছে ।

প্রশ্ন:- এমন কোন্ দুটো শব্দ যার মধ্যে সমগ্র সৃষ্টি-রহস্য ধরে যায় ?

উত্তর:- পূজ্য আর পূজারী । যখন তোমরা পূজ্য হও তখন তোমরা পুরুষোত্তম, তারপর গুণের বিচারে তোমরা মধ্যম এবং কনিষ্ঠ হও । মায়া তোমাদের পূজারী বানিয়ে দেয় ।

গীতঃ - জলসাঘরে জ্বলে ওঠে ঝাড়বাতির শিখা / পিপীলিকার পুড়ে মরা / তাহাতেই লিখা....

ওম্ শান্তি । ভগবান এখানে বসে তোমাদের বোঝাচ্ছেন, মানুষকে ভগবান বলা যায়না । এমনকি ব্রহ্মা, বিষ্ণু, শঙ্করেরও ছবি আছে, সুতরাং তাঁদেরও ভগবান বলা যাবেনা । পরমপিতা পরমাত্মার নিবাস তাঁদের থেকেও উঁচু । তাঁকেই প্রভু, ঈশ্বর, ভগবান এইরূপ বলা হয়ে থাকে । মানুষ যখন ডাকে তখন তাদের সামনে কোনো আকার বা সাকার মূর্তি প্রতীয়মান হয়না, এইজন্য তারা মানুষ আকারকে ভগবান বলে দেয় । এমনকি সন্ন্যাসীদেরও যখন দেখে তারা বলে ভগবান, কিন্তু ভগবান স্বয়ং বোঝান যে, মানুষকে ভগবান বলা যায়না । বহু লোকে নিরাকার ভগবানকে অনেক স্মরণ করে । যারা গুরু করেনি বা ছোট বাচ্চারা, তাদেরও শেখানো হয় পরমাত্মাকে স্মরণ করার কথা । কিন্তু কোন পরমাত্মাকে স্মরণ করতে হবে তা বলে দেওয়া হয়না । তাদের বুদ্ধিতে কোনও ছবি থাকেনা । দুঃখের সময়ে বলে হে প্রভু ! কোনো গুরু বা দেবতা, ঈশ্বর চিত্র তাদের সামনে আসেনা । যদিও তারা অনেক গুরু করে তবুও যখন বলে 'হে ভগবান', তো কোনও গুরুকে তারা মনে করতে পারেনা । এমনকি তারা যদি তাদের গুরুকে স্মরণ করেও ভগবানকে ডাকে তবুও সে মানুষ, জন্ম-মরণের চক্রে আসে । অতএব, এর অর্থ তারা পাঁচ তত্ত্বের তৈরি শরীরকে স্মরণ করে, যাকে পাঁচভূত বলা হয়ে থাকে । আত্মাকে ভূত বলা যায়না । সুতরাং সেটা ভূতপূজা অর্থাৎ পাঁচ তত্ত্বের পূজা হয়ে গেল । তাদের বুদ্ধিযোগ শরীরের দিকে চলে যায় । যদি তারা কোনো মানুষকে ভগবান বলে তো তার মানে এই নয় যে দেহের মধ্যে যে আত্মা আছে তাকে স্মরণ করছে । না ! আত্মা তো উভয়ের মধ্যেই আছে । যে স্মরণ করে তার মধ্যেও আছে, যাকে স্মরণ করছে তার মধ্যেও আছে । পরমাত্মাকে তো সর্বব্যাপী বলে দেয় । যতই হোক, পরমাত্মাকে পাপ আত্মা বলা যায় না । বাস্তবে, যখন তারা বলে "পরমাত্মা " তখন বুদ্ধি নিরাকারের দিকে যায় । নিরাকার বাবাকে নিরাকার আত্মা স্মরণ করে । সেটাকেই বলা হয় দেহী-অভিমানী হওয়া । সাকার শরীরকে যারা স্মরণ করে তারা ভূত-অভিমানী । ভূত (পঞ্চতত্ত্বের শরীর), ভূতকেই স্মরণ করে, কারণ তারা নিজেকে আত্মা মনে করার বদলে পঞ্চভূতের অর্থাৎ প্রকৃতির পাঁচ উপাদানের শরীর মনে করে । তাদের নামও তো শরীরের । নিজেকেও পাঁচ তত্ত্বের ভূত মনে করে আর তাদেরও শরীর দ্বারা স্মরণ করে । তারা দেহী-অভিমানী তো নয়,

নিজেকে নিরাকার আত্মা মনে করলে তবে তো পরমাত্মাকে স্মরণ করবে ! সব আত্মাদের সম্বন্ধ সর্বাগ্রে পরমাত্মার সাথে । আত্মা যখন দুঃখে থাকে তখনই পরমাত্মাকে স্মরণ করে, তাদের সাথেই তাঁর সম্বন্ধ । তিনি সব দুঃখ থেকে আত্মাদের মুক্ত করেন । তাঁকে অগ্নিশিখাও বলা হয় । কোনো বাতি ইত্যাদির ব্যাপার নয় । তিনি পরমপিতা পরমাত্মা । অগ্নিশিখা বললে মানুষ আবার ভাবে তিনি জ্যোতি । বাবা স্বয়ং বুঝিয়েছেন, "আমি পরমাত্মা, যাঁর নাম শিব ।" শিবকে রুদ্রও বলা হয় । সেই নিরাকারের অনেক নাম । আর কারও এত নাম নেই । ব্রহ্মা, বিষ্ণু, শঙ্করের একটাই নাম । সব দেহধারীদের একটাই নাম । এক ঈশ্বরকেই অনেক নাম দেওয়া হয়ে থাকে । তাঁর মহিমা অপরমাপার । মানুষের একটাই ফিক্সড নাম । এখন তোমরা মরজীবা হয়েছ অর্থাৎ মরে বেঁচে আছ, সেইজন্য তোমাদের অন্য নাম দেওয়া হয়েছে যাতে তোমরা অতীতের সবকিছু ভুলে যাও । পরমপিতা পরমাত্মার সামনে তোমরা মরে বেঁচে থাকো । তাইতো তোমাদের এই জন্ম মরজীবা জন্ম । অতএব, তোমরা অবশ্যই মাতাপিতার কাছেই জন্ম নিয়েছ । বাবা এখানে বসে এই গুহ্য বিষয় তোমাদের বোঝান । দুনিয়া তো শিবকে জানেইনা । ব্রহ্মা, বিষ্ণু, শঙ্করকে জানে । এমনকি তারা ব্রহ্মার দিন ব্রহ্মার রাতও বলে । তারা শুধু শুনেছে যে ব্রহ্মার দ্বারা স্থাপনা, কিন্তু কিভাবে হয়েছে তা জানেনা । এখন ক্রিয়েটর তো অবশ্যই নতুন ধর্ম, নতুন দুনিয়া রচনা করবেন । ব্রহ্মা দ্বারাই তিনি ব্রাহ্মণ কুল রচনা করবেন । তোমরা ব্রাহ্মণরা পরমপিতা পরমাত্মাকে স্মরণ করো, ব্রহ্মাকে নয় । কারণ ব্রহ্মা দ্বারা তোমরা তাঁর হয়েছ । দেহ-অভিমানী বাইরের ব্রাহ্মণরা এইভাবে নিজেদের ব্রহ্মার বাচ্চা শিবের পৌত্র বলতে পারেনা । তারা শিব জয়ন্তী পালন করে, কিন্তু তাঁকে না জানার কারণে তারা তাঁর কদর করতে পারেনা । তাঁর মন্দিরে যায়, বুঝতে পারে তিনি ব্রহ্মা, বিষ্ণু, শঙ্কর বা লক্ষ্মী নারায়ণ নন । তিনি নিশ্চয়ই নিরাকার পরমাত্মা । অন্য সব অ্যাক্টরদের নিজের নিজের পার্ট আছে, তারা পুনর্জন্ম নেয়, তাদের নিজ নামও দেওয়া হয় । পরমপিতা পরমাত্মা একমাত্র যাঁর ব্যক্ত নাম রূপ নেই, কিন্তু তারা মূঢ়মতি হওয়ার কারণে এটা বুঝতে পারেনা । যখন পরমাত্মার স্মৃতিচিহ্ন আছে তো তিনি অবশ্যই এসেছিলেন, স্বর্গ রচনা করেছিলেন । নয়তো স্বর্গ কে রচনা করবে ? তিনি এসে আরও একবার এই রুদ্র জ্ঞান যন্তুর রচনা করেছেন । এটা যন্তু বলা হয়ে থাকে কারণ এখানে স্বাধা হতে হয় । অনেক মানুষই যন্তুর আয়োজন করে । সেইসবই ভক্তি মার্গের স্থূল যন্তু । এই যন্তু পরমপিতা পরমাত্মা স্বয়ং এসে রচনা করেন, বাচ্চাদের পড়ান । যখন যন্তু রচনা হয় ব্রাহ্মণরা শাস্ত্র এবং ধর্মীয় কথা ইত্যাদি শোনায় । বাবা নলেজফুল । বলা হয় গীতা ভাগবৎ এবং শাস্ত্রাদি সব ভক্তিমার্গের । মেটেরিয়াল যন্তুও অর্থাৎ যে যন্তু বস্তুসমগ্রী আহুতি দেওয়া হয়, তা ভক্তিমার্গের । এখন ভক্তিমার্গেরই সময় । যখন কলিযুগ অন্ত হয়ে আসে তখন ভক্তিও শেষ হয়ে আসে, তখনই ভগবান এসে তোমাদের সাথে মিলিত হন কারণ তিনিই ভক্তির ফল দেন । তাঁকে জ্ঞান সূর্য বলা হয়ে থাকে । জ্ঞান সূর্য, জ্ঞান চন্দ্র এবং লাকি নক্ষত্র । আচ্ছা জ্ঞান সূর্য তো বাবা ! তাহলে মা-ও হতে হবে, জ্ঞান চন্দ্র । সুতরাং বাবা যে তনে প্রবেশ করেছেন তিনি হয়ে যান জ্ঞান চন্দ্র মাতা আর বাকি সব বাচ্চারা লাকি নক্ষত্র । এই হিসেবে জগদম্বাও লাকি নক্ষত্র কারণ ইনিও তো বাচ্চাই, তাই না ! নক্ষত্রদের মধ্যেও কেউ কেউ অতি তীব্র হয় । সাধারণতঃ এখানেও নম্বরভিত্তিক । আকাশের সূর্য, চন্দ্র এবং নক্ষত্র সবই স্থূল সেক্ষেত্রে এইসবকিছু জ্ঞানের বিষয় । একইভাবে, সেইসব জলের নদী আর এখানে জ্ঞানের নদী, যা জ্ঞান সাগর থেকে বেরিয়েছে । লোকে শিবজয়ন্তী পালন করে, তবে তো অবশ্যই সেই তিনি, সমগ্র সৃষ্টির বাবা আসেন । এসে নিশ্চয়ই স্বর্গ রচনা করেন । বাবা আসেনই আদি দেবী দেবতা ধর্মের স্থাপনা করতে, যা এখন অবলুপ্ত হয়েছে । গভর্নমেন্টও কোনো ধর্ম মানেনা । তারা বলে, তাদের কোনো ধর্ম নেই । তারা ঠিক বলে । বাবাও বলেন, ভারতের আদি সনাতন দেবী দেবতা ধর্ম এখন

লুপ্ত হয়েছে। ধর্মে ক্ষমতা থাকে। ভারতবাসী যখন তাদের দৈবী ধর্মে ছিল তো খুব সুখী ছিল। ওয়ার্ল্ড আলমাইটি অথরিটি ছিল যখন পুরুষোত্তম রাজত্ব করতেন। শ্রীলক্ষ্মী নারায়ণকেই পুরুষোত্তম বলা হয়ে থাকে। শ্রেষ্ঠত্বের নম্বরভিত্তিতে উঁচু নিচু তো হয়ই। সর্বোত্তম পুরুষ, উত্তম পুরুষ, মধ্যম এবং কনিষ্ঠ পুরুষ। সর্বপ্রথম সর্বোত্তম পুরুষ যে হয় সেই আবার মধ্যম কনিষ্ঠ হয়। অতএব, লক্ষ্মী নারায়ণ পুরুষোত্তম। সকল পুরুষের মধ্যে উত্তম। তারপর নীচে নামতে নামতে দেবতা থেকে ক্ষত্রিয়, ক্ষত্রিয় থেকে আবার বৈশ্য, তারপর শূদ্রতে এসে একেবারে কনিষ্ঠ হয়ে যায়। সীতা এবং রামকেও পুরুষোত্তম বলা যাবে না। রাজাধিরাজ, সর্বোত্তম সতঃপ্রধান পুরুষোত্তম হলেন লক্ষ্মী নারায়ণ। এই সবকিছু তোমাদের বুদ্ধিতে আছে, কিভাবে এই সৃষ্টিচক্র চলে। সর্বাগ্রে উত্তম তারপর মধ্যম, তারও পরে কনিষ্ঠ হয়। "এই সময় সারা দুনিয়া তমঃপ্রধান" - এই কথা বাবা বোঝান। তোমরা মানুষকে বলতে পারো, বাবা অর্থাৎ যাঁর তোমরা জন্মজয়ন্তী পালন করো, আজ থেকে পাঁচ হাজার বছর আগে পরমপিতা পরমাত্মা শিব এখানে এসেছিলেন। নয়তো কেন তারা শিবজয়ন্তী পালন করবে! পরমপিতা পরমাত্মা অবশ্যই বাচ্চাদের জন্য উপহার নিয়ে আসেন এবং অবশ্যই সর্বোত্তম কার্য করেন। সমস্ত তমোপ্রধান সৃষ্টিকে সতঃপ্রধান এবং সদা সুখী বানান। তিনি যত উঁচু অর্থাৎ শ্রেষ্ঠ তাঁর স্মৃতিচিহ্নও তত উঁচু ছিল, যে মন্দির তারা লুট করে নিয়ে গেছে। মানুষ অন্যের ওপর চড়াও হয়ই ধনসম্পদের জন্য। ফরেন থেকেও এসেছে ধনের জন্য, সেই সময়ও অনেক ধন ছিল। কিন্তু মায়া রাবণ ভারতকে কড়িতুল্য বানিয়ে দিয়েছে। বাবা এসে হীরেতুল্য বানান। কেউ এমন শিববাবাকে জানেনা। বলে দেয় সর্বব্যাপী, এটা বলাও ভুল। এক সদগুরুই তরী পার করে দেন, সেক্ষেত্রে তোমাকে ডুবিয়ে দেওয়ার জন্য অনেকে আছে। সবাই বিষ সাগরে ডুবে আছে। এই কারণে তারা বলে, এই অসার সংসার বিষয় সাগর থেকে ওই পারে নিয়ে চলো যেখানে ক্ষীর সাগর আছে। গায়নও আছে, বিষ্ণু ক্ষীর সাগরে থাকতেন। স্বর্গকে ক্ষীরসাগর বলা হয়ে থাকে, যেখানে লক্ষ্মী-নারায়ণ রাজত্ব করতেন। এরকম নয় যে, বিষ্ণু ক্ষীর সাগরে বিশ্রাম নিতেন। তারা তো বিরাট বড় দীঘি বানিয়ে বিষ্ণুকে এর মধ্যে রেখে দেয়। বিষ্ণুকে বানায়ও অনেক লম্বা চওড়া। এতবড় লক্ষ্মী-নারায়ণ তো হয়না। খুব বেশি হলে ছ'ফুট হবে! পাণ্ডবদেরও বড় বড় মূর্তি বানায়। রাবণের কতবড় মূর্তি বানায়! তাদের নাম যত তাৎপর্যপূর্ণ, তাদের ছবিও ততো বড় বানায়। বাবার নাম যদিও অনেক বড় তবুও তাঁর ছবি ছোট। তারা তো বোঝানোর জন্য তাঁর এতবড় রূপ দিয়ে দিয়েছে। বাবা বলেন, এতবড় রূপ আমার নয়। আত্মা যেমন ছোট তেমনই, আমি - পরমাত্মাও স্টারের মতো। তাঁকে সুপ্রিম সোল বলা হয়ে থাকে, তিনি হলেন সবচেয়ে উঁচু। সারা জ্ঞান তাঁর মধ্যেই ধরা আছে। তাঁর মহিমা গাওয়া হয়েছে, তিনি মনুষ্যসৃষ্টির বীজরূপ, জ্ঞানের সাগর, চৈতন্য আত্মা। যতই হোক, তিনি তখনই শোনাতে পারবেন যখন অর্গ্যান্স নেবেন। যেমন বাচ্চারাও ছোট অর্গ্যান্স দ্বারা কথা বলতে পারেনা, বড় হলে তখন শাস্ত্রাদি পড়ে তার পুরানো স্মৃতি মনে আসে। তাইতো বাবা এখানে বসে বাচ্চাদের বোঝান আমি আবারও একবার পাঁচ হাজার বছর বাদে তোমাদের রাজযোগ শেখাতে এসেছি। কৃষ্ণ তোমাদের কোনো রাজযোগ শেখাননি। তিনি তো প্রারম্ভ ভোগ করেন। ৮ জন্ম সূর্যবংশী, ১২ জন্ম চন্দ্রবংশী তারপর ৬৩ জন্ম বৈশ্য, শূদ্রবংশী হয়েছেন। এখন সবার অস্তিম জন্ম। এই জ্ঞান এখনও কৃষ্ণ-আত্মা শুনছে, তোমরাও শুনছ। এটা হলো সঙ্গমযুগী ব্রাহ্মণগোষ্ঠী। এরপর তোমরা ব্রাহ্মণ থেকে গিয়ে দেবতা হবে। ব্রাহ্মণ ধর্ম, সূর্যবংশী দেবতা ধর্ম এবং চন্দ্রবংশী ক্ষত্রিয় ধর্ম, এই তিন ধর্মের স্থাপক 'এক', পরমপিতা পরমাত্মা। সুতরাং এই তিনের শাস্ত্রও এক হওয়া উচিত। আলাদা আলাদা কোনো শাস্ত্রই নেই। এমন মহান ব্রহ্মা সকলের বাবা, প্রজাপিতা। তাঁরও কোনো শাস্ত্র নেই। গীতাতেই একমাত্র উল্লেখ আছে, 'ভগবানুবাচ'। ব্রহ্মা ভগবানুবাচ বলা হয়নি। এটা শিব

ভগবানুবাচ ব্রহ্মা দ্বারা, যাঁর মাধ্যমে শূদ্রকে কনভার্ট করে ব্রাহ্মণ বানানো হয়, ব্রাহ্মণ দেবতা হয় এবং অন্যরা যারা ফেল করে তারা ঋত্রিয় হয়। তাদের দু'কলা কমে যায়। কত স্পষ্টভাবে তিনি বোঝান। উঁচু থেকেও উঁচু হলেন পরমপিতা পরমাত্মা তারপর ব্রহ্মা, বিষ্ণু, শঙ্কর। তাঁদেরও পুরুষোত্তম বলা যাবে না। যাঁরা পুরুষোত্তম হন পরে তাঁরা কনিষ্ঠও হয়ে যান। মানুষের মধ্যে সর্বোত্তম হলেন লক্ষ্মী - নারায়ণ, যাঁদের মন্দিরও আছে। কিন্তু তাঁদের মহিমা কেউ জানেনা। তারা শুধুই পূজা করতে থাকে। এখন তোমরা পূজারী থেকে পূজ্যতে পরিণত হচ্ছ। মায়া আবার পূজারী বানিয়ে দেয়। ড্রামা এইভাবেই তৈরি হয়ে আছে। যখন নাটক সম্পূর্ণ হয়ে আসে তখনই আমাকে আসতে হয় আর তারপর বুদ্ধি অটোমেটিক্যালি বন্ধ হয়ে যায়। বাচ্চারা এরপরে এসে তোমাদের নিজের নিজের পার্ট রিপিট করতে হবে। এটা পরমপিতা পরমাত্মা স্বয়ং এখানে বসে তোমাদের বোঝান, লোকে যাঁর জন্মজয়ন্তী ভক্তিমাগে পালন করে; তারা এই জয়ন্তী পালন চালিয়ে যেতে থাকে। স্বর্গে কারও জয়ন্তী পালন করা হয় না। কৃষ্ণ, রাম এঁাদেরও জয়ন্তী পালন হবে না। তাঁরা নিজেরাই সেখানে প্র্যাকটিক্যাল রূপে বিদ্যমান থাকবেন। তাঁরা এখানে হয়ে ফিরে গেছেন, এই কারণেই লোকে তাঁদের জয়ন্তী পালন করে। ওখানে বছর বছর কৃষ্ণের বার্থডে উদযাপন হবে না। তাঁরা তো সেখানে সদা খুশিতেই থাকেন, সেইজন্য তাঁরা বার্থডে কি পালন করবেন! বাচ্চাদের নামকরণ তাদের মাতাপিতার দ্বারা ঠিক করা হবে। সেখানে কোনো গুরু হয়না। বাস্তবে, এই ব্যাপারগুলোর সাথে জ্ঞান বা যোগের কোনো কানেকশন নেই। যদি তোমরা জিজ্ঞাসা করতে চাও সেখানে কি ধরনের রীতিনীতি বিদ্যমান, বাবা তোমাদের বলে দেবেন, সেখানে যা রীতিনীতি সেটাই চলতে থাকবে; সেইসব সম্বন্ধে তোমাদের জিজ্ঞাসা করার কোনো প্রয়োজন নেই। মেহনত করে সবার আগে নিজেদের পদ প্রাপ্ত তো করে নাও। যোগ্য তো হও, তারপর জিজ্ঞাসা ক'রো। ড্রামাতে কোনো না কোনো নিয়ম অবশ্যই হবে। আচ্ছা! মিষ্টি মিষ্টি হারানিধি বাচ্চাদের প্রতি মাতাপিতা বাপদাদার স্মরণ-স্নেহ এবং গুড মর্নিং। রুহানী বাবার রুহানী বাচ্চাদের নমস্কার।

ধারণার জন্য মুখ্য সারঃ -

১) নিজেকে নিরাকার আত্মা নিশ্চয় করে নিরাকার বাবাকে স্মরণ করতে হবে। কোনো দেহধারীকে নয়। মরজীবা হয়ে অতীতের পুরানো জিনিস তোমাদের বুদ্ধি দ্বারা সরিয়ে দিতে হবে।

২) বাবার রচিত এই রুদ্র জ্ঞান যজ্ঞে তোমাদের সম্পূর্ণ স্বাধা হতে হবে। শূদ্রকে ব্রাহ্মণ ধর্মে কনভার্ট করার সেবা করতে হবে।

বারদানঃ - নিজের উইল পাওয়ার দ্বারা প্রত্যেককে উইল করিয়ে শ্রেষ্ঠ সেবাধারী ভব

বর্তমান সময় কোনো কোনো আত্মারা তোমার সহযোগের জন্য আকুল আকাঙ্ক্ষায় আছে কিন্তু তাদের নিজেদের শক্তি নেই। তাদেরকে তোমাদের নিজের শক্তির বিশেষ সহযোগ দিতে হবে এইজন্য নিমিত্ত হওয়া সেবাধারীদের মধ্যে সর্বশক্তি পাওয়ার প্রয়োজন। যেমন ব্রহ্মাবাবা লাষ্টে শক্তির উইল বাচ্চাদের করে দিয়েছেন, সেই উইল দ্বারা এই কার্য চলছে, এইভাবে ফলো ফাদার। তোমাদের শক্তি আত্মাদের উইল করে দাও তো সময়ের সাথে সম্পন্ন হয়ে যাবে।

স্লোগানঃ- যেখানে একতা এবং একাগ্রতার শক্তি আছে সেখানে সফলতা সহজে প্রাপ্ত হয়।

